

卷五 地輿誌

諸道風土之別 順化

六四

○歷朝憲章類誌卷之五

△地輿誌

●諸道風土之別

★順化

古越裳國秦漢爲象州縣晉時爲林邑國唐初置林州景州尋復沒入于林邑宋時爲占城李初太宗親征占主獻地哩麻令布政三州贖罪仁宗四年命李常傑行邊畫二州山川爲圖改地哩爲臨平州麻令爲明靈州招民居之自此奇華以南橫山一帶始歸我越版圖龍符三年占城主制麻那入寇復取三州四年常傑討平之麻那復納其地自是朝貢相繼迨陳英宗隆興十四年嫁玄珍公主于占城主制旻占以烏哩二州爲徵物乃改爲順化州陳末改臨平爲新平與清華安演二州路並稱重鎮屬明時置爲順化新平二府黎初太祖因之設路總管知府

聖宗光順七年置順化承宣統諸府縣領府二縣八

順化東臨大海西夾哀牢南夾廣南北連乂安橫山連瓦而爲城大江橫截而分界山高而海濶誠稱天險之國也

李陳以前風會未至其俗樸野而僻陋其民稀少而寂寥遐遠之區猶淪異域迨夫天時既啓地運日新樸野變而英華荒落薰而繁衍前黎之初已成巨鎮中興而後轉作雄藩二百餘年至今日繁華聚會遂成上都固天運之循環亦風氣之日闢也

肇平府五縣二州

丹田縣六十二社。

金茶縣七十

恩榮縣七十

海陵縣五十五社。

武昌縣五十

五社。

順平州三十四

沙杯州六十九村。

六庄六村。

村。改富榮。

一村一庄。

武昌縣

肇平府在順化之中。南與廣南夾界。諸縣皆緣山臨海。惟武昌金茶二縣地頗平濶。皇朝列先聖王。皆於此設鎮。中興初大王初入營于武昌愛子。沿江近海去山稍遠。至孝昭繼襲移于香茶金龍社。迨孝義王立復移作新府隔舊府百餘里。植樹培基築墻治路。金宮寶閣極其壯麗。即今富春京也。其地平鋪如掌可十餘里。俯臨江津。前右羣山衛從羅列。全收虎水物力富盛。迨孝武王復增恢拓臺亭。改名題扁有金華光華二殿就樂正冠中和怡然等堂。與暢春臺、涇池閣、朝陽閣、光天閣、瑞雲亭同樂軒。南岸上流又有陽春府長樂殿、閱武軒。廈屋巍峨飛甍輝煥繞牆環宇門戶四達。雕刻繪飭窮極人工。諸堂皆甃石平基上鋪虔虔木板滴水簷裝飾以承溜間植樹木優曇菴羅波羅密皆大連抱後苑假山奇石方沼曲池飛橋水榭內外複牆皆砌厚數寸以石炭磁片作龍虎麟鳳花卉之形。正營之上下流各設軍房井列碁布其市鋪聯絡大路中行鱗接區分莫非瓦屋喬木清廡左右成行商船渡船往來如織景色極爲艷麗。迨黎末甲午間設立鎮衙舊景一經荒廢僞西建都宮殿草創。今奉輿圖反正海宇攸同重因舊跡建立根本營繕壯麗殿宇幾復舊矣。其山川名勝則有倉山。香盈山。龜山。海雲山。倉山在金茶縣。源頭最高。山巔有井頗清冽。香盈山在金茶縣。海萬處。諸山在西北。重重疊疊。龍行虎狀。直至大江深淵而止。湧出一峯圓如正盤。○龜山在恩榮縣懷恩社。大海抱其東。涸海抱其西。上聳石

卷五 地輿誌

諸道風土之則
順化

塔如龜頸故名。○海雲山在恩榮縣海雲關下臨海門上插雲端。

乃順化廣南二處界限。有關隘設兵守備。自此沿江日餘即廣南。海陵陂靈江金茶源越海門思容海門壞海門皆遊

覽勝概。海陵陂在海陵縣近緣生社東帶長港西披連山。○靈江乃金茶丹田二源所注最深廣西南有四位寺東北有棠花寺憲司及府

衙所皆在江之左右江之西北皆民居順化大城在下流。○金茶源在金茶縣三岐江出山柰藤席雀舌茶仁。○越海在武昌縣其

江乃果源圓橋二源所注。○恩容海門在永榮社南接蓋山東連龜山西北陂澤汪洋萬頃乃金茶古農興平高堆諸源所注。○壞海門在金茶縣其間乃金茶丹田藤源所注自越海門至恩容門號大長沙北海門號小長沙。其地則控接諸蠻旁

通貨利財源物產常自裕饒。登昌縣甘露社居江上流下通越海門上接哀牢酒源諸冊民道皆出此遠而樂凡萬象鎮平歸合諸部皆有路行出此各社商民常載鹽鹹乾魚鐵器銅錫銀子馭馴諸雜物往蠻人地易取粟米鷄牛麻蠻

各貨。備象載回秋田少夏田多夏禾呼爲正務秋禾呼爲債務物產之美則錦繡簟席備極精工。香茶縣有操花坊

居富春江東岸之後間山田陽春萬社地分分爲三邑每邑十家織工十五人學織於北客世傳其花綵緞錦繡諸花樣皆妙巧。○香茶縣扶宅社織蒲爲席俗名簾席亦以作帆其席亦如京北廣覽席。象牙樹木許多堅好。山林好木

綵緞錦繡諸花樣皆妙巧。○香茶縣扶宅社織蒲爲席俗名簾席亦以作帆其席亦如京北廣覽席。象牙樹木許多堅好。山林好木
柯木色黃最好厚可作舟板入水常浮有名虔虔木活直而硬細膩耐久作柱下地百年不朽梨花木俗名側密文理細潤有香味如炙性堅不朽人多以作箱園椅桌有名台拜木細軟色白如象牙可屈不可折可作戰稍長棍頗優於四鎮云。

新平府二縣一州弘定初改爲光平府。

康祿縣七十六社一村。麗水縣二十八社三庄。明靈州二十社八社。布政州

新平府在順化之北與乂安夾界以灘江爲限南布政州上夾連山下臨大海下道平抄高起橫展

民居一帶沙山連絡晚照日光重疊殆同城郭。自洞海屯之左直至明靈海口其中社村人丁蕃旺樹木森鬱頗爲奇異康祿地在上游層山蒼蔚山爲順化與哀牢分界之處麗水明靈二縣俱夾海際柴壘上自洞回

嶺下至日麗海門

屬贊
水縣

高丈五尺。延袤三千餘丈。乃孝文時所築。

壘外植柴木鐵林木。壘內築土爲梯。梯五級。每層高一尺五寸。象馬通行其上。土壘連絡。間立砲臺

其上置巨門鏡。景興甲午間已漸剗平。設洞海屯于壘邊。壘內舊有留屯。

在高舍
號邁營

倚山帶江地亦廣闊。暫營

葛營皆前列王新拓。

暫營在心舍社屬洞
海。葛營在崇山社。

今亦爲屯兵之所。其山川則橫山兜鍪山神丁山磊雷山真靈

源馬鞍山蓮山靈山。

橫山在布政州。近山蕉社。接父安界。自遠迢迢而來。重崗疊嶂。橫亘至海。隱若長城。○兜鍪山在康祿界。近遠銅社。最尖聳。又名鎮牢山。其麓下即大江產石蟹。

○神丁山在康祿縣右江處。衆山皆向西方。獨此背之。故又名不義山。○磊雷山在布政州。近瀰淪海門。橫山一帶。狀如鳳舞。延袤層層。至是山而止。烏蹲枕其西。陽山屹其北。山與寺巒左右相對。有澗水頗平淡。舟船多泊於此。○真靈源背山面水。洞口窄狹。僅容一艇。中寬廣。觀者秉燭。沿水徑而入。約二里有一口。入其中則天地日月

雲霞花草宛然一壺世界。大谷平坦如碁枰。有碁子四圍如寶。乃天削成。景物奇秀。中多詠題。○馬鞍山在麗水縣。山有港。沿港有大路。源頭高大。而宛轉頓起。望之若馬鞍然。○蓮山在麗水縣。山有港。沿港有大路。林樹交加。景致殊絕。○靈山在明靈州。近沙籠社。四面平洋。一

峯尖秀。大靈江日麗陂淺海安生淵蓮池平江。

日麗在康祿縣。日麗海門。汪洋萬頃。大海在其東北。名山拱其西南。陂之西北處

最深。有蛟龍居焉。○淺海在麗水縣。自安生錦里諸源所注。百川聚會。號曰涸

海。東北沙堆重疊。西南山嶂橫插。大海萬頃空濛。互深互淺。中有一最深處。航船往來。植木爲標識。○安生淵在麗水縣土哩源三岐處。其

清徹底。其深無際。時或雲昏雨暗。漁舟往來。常聞鼓吹之聲。祈雨設壇。即得雨云。○蓮池在麗水縣馬鞍山西。池左有山。山起小峯。前有重山。

○平江在麗水縣。

諸源而下。水勢東流。近有禮山。遠有磊山。○瀰淪海門在布政州。橫山鎮其西。磊山擎其北。鹽味頗佳。○日麗門在康祿縣。其江自土哩安代諸源而下。水勢北流。海口有三岸

浮水中。○明靈門在明靈州。東有草浮岸。西有古齋山。有關隘守禦。乃衝要處。自日麗海門行二日至此。水陸二道長遠相當。號爲大長沙。

其物則產人參燕窠白蜜黃蠟犀角象牙兜角磁硝降香鐵籠龍簾烏賊鐵林木櫟花堯木虔虔木

又有屹木。色白而軟膩。久則漸黃。

鐵湊木。紫黑而益潤。大小皆然。

貝木。

堅好有數類。赤黑花紋並

上好。

以作室勝於鐵林。

棋木。花紋堅黑。以作架。

笈菜木。大而色白。

木花木。夜木大而色黃。

皆材木之最良云。

花木亦有紋。

卷五 地輿誌

諸道風土之別

順化

六七

卷五 地輿誌

諸道風土之別

廣南

●廣南

古越裳氏國。秦漢爲象郡。晉唐時屬林邑。迨後爲占城國。李陳時雖取化州。而陰雲以南猶爲占城。故壞閨胡漢蒼伐占。始取古壘峒地。置升華思義四州。自此升華府以內始入版圖。與新平順化爲三府。屬明時升華復陷于占。黎初占人屢寇。以化州接敵。常命重臣禦之。洪德中聖宗親征擒獲占主。始以其地置爲廣南承宣領府三縣。九弘定初大王增置一府。今四府十四縣。

廣南西夾哀牢。東臨大海。北接化州。南連占城。陰雲限其北。石碑界其南。江山繚繞。封域截然。南方一巨鎮也。其地肥饒而厚利。其田廣衍而倍收。穀畜之多。常供他鎮物貨之美。不減北方。固財賦之名區。寔山海之勝地云。

升華府二縣

醴陽縣 九社

河東縣 五社

升華府在廣南之西。連山盤礴。與哀牢接壤。舊爲占國之地。閩胡伐占克獲。始置爲路。設官以治之。起發乂安順化無田而有財者遷居於此。編爲軍伍。募民納牛賜爵以給民居。自此升華始入版圖。常留屯兵以禦占人。胡亡。其地復陷於占。明人郡縣我國。以順化險遠。撫治已難。此路未暇問也。黎初未能收復。迨聖宗洪德元年。親征占城。生擒其主茶全。始復太占古壘之地。以降人巴太爲太占同知府。多水爲簽知府。諭之曰。太占古壘舊爲我境。近代淪於占國。今盡復之。特命鎮守。敢有不從。殺然後奏。又命杜子歸爲同知州。知太占軍民事。黎倚陀爲古壘州知州。知軍民事。占人敢有不從。殺然後奏。六月以占城置爲廣南承宣使司。及升華衛。又設總兵按察使爲三司。自此復歸版圖。地

氣既闢。風物日就繁盛。其田野廣闊。稻梁美好。人工精巧。所織綢布綾羅華彩。巧麗不減廣東。諸山多產黃金。物產則山象太多。民家畜牧如牛馬云。

奠盤府五縣

延慶縣 和樂縣 維川縣 八總五十八社

奠盤府在廣南之西。接夾隘雲諸山。與順化連壤。黎初版籍原屬化州。中興後大王專制二處。始取奠盤縣建爲府。隸歸廣南。而分升華傍境爲五縣以屬之。地利肥饒。與升華略同。稻梁物貨之美。稱爲南州第一云。

思義府三縣

義江縣 九十三社

平陽縣 七十社

慕華縣 五十三社

章
賴
陳

思義府在廣南之中。上游連山橫插。下臨大海。其中地勢寬廣。太王專制時。改爲廣義。三縣物力豐衍。穀粟不知其數。金銀材木珠貝沉速。皆極美好。象馬之畜。亦爲至多。又有海外島嶼。景物秀麗。奇珍異物。多在於此處云。

聞有甘泉島。島中有黃沙渚。長約三十里。平坦廣大。水清徹底。島旁燕窩無數。衆鳥以千萬計。見人環集不避。渚邊異物甚多。其文螺有名屋硯鵝。大如席。腹有粒如指大。色濁不及蚌珠。其壳可削成碑。又可作炭泥塗。有名屋硯螺可飭器物。又名屋香。諸蚌肉皆可醃煮。玳瑁甚大。有名海巴甲薄。可飭器皿。卵似巨指頭。有名海參。俗曰突突。游泳渚旁。採取以石炭擦過去。腸酒乾。食時用
水浸之。同蝦猪肉亦好。諸商舶多遭風。依於此島。前王歷朝置黃沙隊七十率。以安永人輸番余取。歲以三月受不行差。費六月
糧。駕小船五隻。出洋三日夜始至此島。恣情採取。捕魚爲食。所得贍物器寶甚多。採取海物頗多。以八月回。入腰門就富春城。

卷五 地輿誌

諸道風土之別 廣南

懷仁府三縣

中興後太王

改爲歸仁

蓬山縣

三十
二社

符離縣

六十
二社

綏遠縣

二社三
十村邑

懷仁府在廣南之南。西接哀牢。南連占城。海岸石碑山乃先朝與占分界之處。朱山甚遠。自海頭連絡直至海渚。此山獨高於衆山。聖宗平占。始磨石山嶺立碑以爲界。而封故王遺裔。以此山以西之地爲南幡國。

自懷仁府由上道行經十四日始抵其國。屬村可五十餘。中有婆南山甚高大。爲一方之鎮。國有水火二王。各在山之東西。架木而居。手下各數百。刀耕火植。正月作而五月熟。不獲而播。不知曆日。將軍收稅。其王騎象。衆數十人。到一蠻村擊鉦三連。

村人皆出構草廬以居王。蓋以王入民家。其家不祥之語。故不敢入。人數多少。隨意所供。一銅鍋。一白布。一甘蔗。一芭蕉。取之無泥。收完別往。二王並皆黑醜。妻妾無不美好。著古斑斓之服。二王在時。有山精名曰精揚。其光如燭。亦有大如匹帛。常至臥所。或飛上天如匹練。其王卒後。精入他家。蠻人見之皆云。此天定王位。已許此人。因尊爲王。古來如此。山上有白石城。廣約四畝。內開四門。中有臥石象。臥石馬。號爲殿君胡。二王不敢居住。新王嗣位之日。始上城。置坐據石馬石象上。升坐。民蠻各棚約四五十酋長。競來拜謁。王復回居山下焉。府中有

閣槧城。乃舊占主所居。壯麗堅好。今其遺跡猶存。城在富多江縣內。有塔三十五座。

一府財力大抵肥饒。與思義升華同

稱富衍。物產之盛。如沉速香犀金銀玳瑁珠貝錦花黃蠟糖蜜油漆板榔胡椒魚鹽材木。皆極美好。穀粟不知其數。馬生山谷千百爲羣。土人遊市騎馬爲常。其山川頗多勝概。又有熱潭蒸鬱爲更奇。

云。符離縣東坊有一圓潭。日夕常沸。水清徹底。熱不可近。晴時煙起。雨日蒸鬱更甚。牛羊或墜有如湯燙。水中亦有生魚。其蝦蟹皆赤色。

富安府一縣

同春縣 八十八社
坊村邑

綏和縣 四十七社
坊村邑